



Nainaaqhimayut Tukimuarnikkut

Nunavut Imaliqiyit
Qauyiharnigut Katimayut

Nutaannguqtiqhimayait Atuqtakhait Nampanga 1 uvunga
Nunavut Imaliqiyit Katimayit Laisia 2AM-DOH1323
Doris Nuat Kulunut Uyaraqtarvik
TMAC Resources Inc.
Kitikmeot Nunaanit, Nunavut

Ubluqtuhinia 28-29, 2016



Nunaqaaqahimayut Inuliqinikkut Kanata (Pilirivvik) ilauqatauhimainnaqtut iluani Nunavut Imaliqiyit Katimayit qimilurningit haffumani TMAC Resources Inc.'t (una Havaakhaliuqtunut) atuqtakhait nutaannguqtiqtangit Ilittuqhiiyangit A Nunavut Imaliqiyit Katimayit Laisia haffumani Doris Nuat Kulunut Uyaraqtarvik, Imaup Laisiata 2AM-DOH1323. Maligautainit kavamatuqangit maligautait, una Pilirivvik havaqatigiyangit amiqhaiqatigiyait Nunavutiup halumayumik imat avatait Nunavut Imaliqiyit Katimayit (NWB).

Una Pilirivvik havakhimayangit taamna inikhaliurutikhait tuniyauhimagumik pivalladjutikhanut uumani Doris Nuat Kulunut Uyaraqtarvik aktunngitkuiuk imarnut Nunavunmi. Kinguanit, Pilirivvik ikayuqhimayaat NWB nut iniqhimayakhaat qauyiharnikkut qimilurningit piliriakhaat, ilaliutauhimakpat inmi nutqarnirumik akikhait, ihivriuqtaunnirumik nunap qauyihaqhimayainnit uyaraqtarviup nayugaanit.

Qauyiharnikkut Qimilurnirnit piliriakhanit, Pilirivvik naunaiyaivlutik akihautainnit aktuqtauhimayut imat halumayunit (qulaanit nunaup iluanilu imangit), unalu avatait uyaraqtarviuhimayumit ilagiyangillu hulidjutinit. Ihumaaluutiyaulluaqtait kiuttaaqhimayait ukunanngat Havaakhaliuqtunut ilaliutigiyait naunaitkuhirnit, tutqinnaqtunillu, malikhimayangillu nutaannguqtiriangani amiqhaiyangit upalungaiyautaanit.

Iniqpiaqhimanngittut akihautilgit una Pilirivvik havaqatigihimayangit Havaakhaliuqtunut aahiillu ilauqatauyunut ihuaqhinahuariangani ilaliutauhimayut:

1. Malittiaqhimalugit iqqakkuungit tutquumavingillu huunngittut uyarait kuvvingillu nunaup iluaniittut qaanganiittulluuniit aktuqtaulaittut nunaup imaa;
2. Ihivriuqattaqhimalugit qanurlikiaq nunaup iluaniittut havaangit naammaktut iqqakkuungit haffumani uyarait huunngittut unalu kuvvingit;
3. Una hivunikhanut uuminngat Kuvviuningit Amiqhaiyakhat Upalungaiyaut ilaliutiyakhaat avatikhanit nakuuyumik ilaurutikhanut ihirnut nutqarutikhaat;
4. Una piliriangit maliguarutunut unguvaiyautikhanut imarnit hamannngat Kuvviutingit Hiamittailinikhat Inianit taryulingnit nunaup iluaniittut uvunga imarmiuttat avatait; unalu
5. Manngit piqaqhutik nutqarnahuakhaita halummarnahuakhaita uyaraqtarvium nayugaat hamna Havaakhaliuqtunut malikhimanngitkumiuk havaatigut

Hamna Pilirivvik huli amiqhaivakhutik Havaakhaliuqtunut ukpirihuutait ukunanngat maliktakhainit qanurilinganingillu uuminngat imaq laisiat ukunani Imaup Avatikhait Piliriyi Ihivriuqhiiyut qimilruqtakhailu turaaqtaaqhimayangit amiqhainikkut unipkaangit.